

ut tertij cerebri uentriculi seu communis dextri sinistriq; uentriculorum concauitatis sedes in conspectum melius ueniret, una cum eius cavitatis meatibus.

A, A Cerebri substantia adhuc in caluaria reliqua dextra pars.

B, B Cerebri substantia adhuc in caluaria asseruata sinistra pars.

C, C, C Linea hic passim conspicua illis correspondet, quas tres modo praecedentes figurae similiter monstrarunt. Verum quia huiusmodi linea substantia ue cerebri diuersitas, inibi duntaxat consistunt ubi cerebrum tenui membrana uicinius est, praecedentes figurae eas solum in lateribus ostenderunt. haec autem quum hic tanta cerebri portio ablata sit, ut iam apparens superficies in basi non procul a tenui membrana distet, etiam linea in basi spectantur. Quod itaque lineis hic inter

D, D, D cipitur, fuluam seu subpallidam cerebri notat substantiam: quemadmodum sedes D, D, D insignita. Quod uero extra lineas consistit, alba est prorsusq; candicans cerebri substantia, hic

E, E, E. E, E & E insignita.

F Portio est soporalis arteriae secundum humiliorem angustiorq; dextri uentriculi sedem sursum ad plexus secundas imitantis constitutionem prorepens. Ceterum si perpendaris quamnam sede hic Freponatur, & quam in sexta figura, prompte expendes, qui dexter cerebri uentriculus, quemadmodum et sinister, ex posteriori sua sede instar cornu arctatus, deorsum in anteriora per cerebri substantiam ducatur. Hic namque ubi plus cerebri substantiae quam in sexta figura abstulimus, praefens arteriae portio F notata antrorsum magis uergit, quam F in sexta eadem quoque notans arteriae portionem, ubi iam posteriorem uentriculi sedem conscendit. Atque id F & G subsequentis figurae magis liquido ostendunt, in qua huius uentriculi ductus nomine, adhuc plus cerebri substantiae, quam in hac quae ordine septima est, abstuli.

G Arteriae soporalis portio secundum humiliorem posterioremq; sinistri uentriculi sedem sursum, quemadmodum arteria F insignita, prorepens.

H Humillima sedes tertij uentriculi: quam ut aptius cerneretur, nonnihil distentiam finximus.

I Meatus recta decliuis ex tertio cerebri uentriculo pertinens, cerebriq; pituitam ad peluim huius excipiente paratam deferens.

K Meatus ex tertio cerebri uentriculo inter cerebri testes natesq;, in cavitatem cerebelli et dorsalis medullae communem pertinens.

L Glandula nuci pineae non ab similis, & uasorum ex quarto sinu durae membranae cerebrum petentium fulcrum.

M, N Hanc cerebri partem testes & nates quoque cerebri appellauimus, hic adhuc tenui membrana obiectas.

O, O, etc. Durae cerebri membranae processus portio ue, inter cerebellum & cerebrum reposita. Qui hac accedunt instar uenarum ductus, partim a primo secundoq; durae membranae sinibus, partim uero a quarto pronasuntur.

P, P Durae cerebri membranae dexter seu primus sinus.

Q, Q Durae cerebri membranae sinister seu secundus sinus.

R Primi & secundi durae membranae sinuum congressus, quem Graecorum nonnulli λανθ, quod est torcular appellarunt.

S Principium tertij durae membranae sinus.

T Quartus durae membranae sinus, similiter atque alij hic adaptus.


V Vas a quarto sinu durae membranae in cerebri uentriculos porrectum, hic autem in posteriora ex sua sede reflexum.

X, X Hac sede cerebellum dura cerebri membrana non obiectum ostenditur.

Y Ductus uenarum modo a quarto durae cerebri membranae sinu in tenuem membranam pertinentes, quae cerebellum ipsiq; cerebri testes induuntur.

Z, Z Durae membranae sedes, quae omni totius corporis ossium durissimo, & auditus organum intus continenti adnascitur. Hanc namq; caluariae regionem cerebro deteximus.

OCTA.

OCTAVA SEPTIMI LIBRI  
FIGURA.

OCTAVAE FIGURAE, EIVSDEMQUE CHARACTERUM Index.

PRÆSENS figura a septima in hoc uariat, quod hic adhuc cerebri plus resecuerimus, & testes longa sectione in hoc diuiserimus, ut meatus occurreret ex tertio uentriculo in quartum pertinens. Ad haec, durae membranae portio cerebello obducta, hic dissecta, atque in posteriora reflexa cernitur. Quum itaque praefens figura pleraque cum septima habeat communia, in hac idem A A, & B B, & C C, & D D, & E E, & F & G & H, quod in ad H. septima, indicabit. Verum arteriae F & G insignita, tanto magis hic quam in septima antrorsum uergunt, quanto magis cerebrum uersus basim in septima quam in sexta ablatum est.

I Meatus in sexta etiam figura I notatus, qui recta decliuis fertur, atque cerebri pituitam ad peluim deferit.

K Meatus pituitae deducendae paratus, qui interdum ab illo deducitur meatu qui ex tertio uentriculo inter testes in quartum uentriculum pertinet.

L Ne L in umbra prorsus latitaret, aut si suo poneretur loco, & eius nomine quo in conspectu esset umbra ueniret exculpenda, itaque delineatio hic omnino uitanda, L ad anteriorem cerebelli partem repositi, foramen meatumq; notaturus, qui ex tertio uentriculo cerebri in quartum fertur. Quod foramen si L in illo locaretur, exprimi nequitiam potuisset.

M Glandulam hic adhuc reliquimus, quae pineae nucis formam ostendens, uasorum ex quarto durae membranae sinu in cerebri uentriculos pertinentium fulcrum efficitur.

N, O, P, Q Quatuor his characteribus corpus id indicatur, quod ante sectionem unicum est, atque in septima figura M & N insignitur. hic uero ex sectionis serie diuisum occurrit. ac N & O eius corporis sedes indicant, quibus testium nomen accommodatur. P uero & Q, illas quas nates ferè nuncupamus.

Ff Cere-